

Like

Häs Du hü-et schon jet geliked?

Du witts net, wie dat jeht?

Im Internetz dös Du op e Beldsche

Dat överall do steht.

Dat Beldsche es e Hänke

Möt dat Dümme hu-er.

On wenn du irjesjet like wells

Dann klickste einfach nur

Like, dat heescht „feng esch joot“,

„jefällt mr“, „maak esch möt“.

Op face-book kannse kicke,

Wä wat like deet.

Like kannse Bilder, Sprü-ek

Ävver och Lü-et

Videos, Artikel,

Mussik, jede Driet ...

Isch han mesch fürjenoam

Dat esch mi-e like mot

Äver net im Internetz

Dat feng esch net so joot.

Esch like Modders Muurejubbel

On e kalt Beer jän dr Duesch

E Fülerke, wenn et kalt es

On Eapelsschlaat möt Wu-esch

Esch like Wenkberjer Kermes

Enne Su-emerovend in dr Jaad

Esch like Frau Schmitz von neaveaan

Die e Paket för mesch anjenoame hat

Esch like min nöe Jeans-Bucks

Min Kenger like esch och

Chreesfess, Foosball, Schokolad

Like kann mr net jenoach.

Esch like et, dat err hee set

On Freud hat on saach nur

Wenn irr mesch liked, da dot ma

Janz flöck dat Dümme huer.